



Universitätsbibliothek Paderborn

Conciliorum Omnium Generalium Et Provincialium Collectio Regia

Ab anno CCCCII. ad annum CCCCXXX.

Parisiis, 1644

In Hoc Concilio Qvaedam De constitutis superioribus corriguntur, vt
Concilium vniuersale nisi necessitate faciendum.

urn:nbn:de:hbz:466:1-14918

nem & exclusionem Donatistarum, duo cl^{eric}i ec-
clesiæ Carthaginensis ad comitatum mittantur.

*IN HOC CONCILIO QVÆ DAM DE
constitutis superioribus corriguntur, ut Concilium uni-
uersale non nisi necessitate faciendum.*

De tempo-
re, causa &
actis huius
Synodi, vi-
de annota-
tiones Con-
cili Africa-
ni IV. sub
Innocentio,
anno Chri-
sti 407.

GLORIOSISSIMIS imperatoribus, Honorio septimum & Theodosio secundum Augustis consulibus, Idibus Iunii, Carthagine in basilica regionis secundæ, cum Aurelius episcopus vna cum episcopis suis consedisset, adstantibus diaconibus ait: Quoniam constitutū fuerat in Concilio Hippomensi, vt singulis annis contraheretur Concilium Africæ plenarium, non tantum hic apud Carthaginem, verum etiam per diuersas prouincias suo ordine, & hoc reseruatum est, vt indiceremus aliquando in Numidia, aliquando in Byzacio. At quia hoc laboriosum omnibus fratribus visum est;

LXII.

Idem habe-
tur in Mile-
uitano Cō-
cilio tem-
pore Inno-
centii cap.
9.
Cod. Can.
cap. 95.

Placuit vt non sit vltra fatigandis fratribus anni-
uersaria necessitas: sed quoties exegerit causa com-
munis, id est, totius Africæ, vndecumque ad hanc
sedem de hac re datæ literæ fuerint, congregan-
dam esse Synodum in ea prouincia, vbi opportu-
nitas persuaserit. Causæ autem quæ communes
non sunt, in suis prouinciis iudicentur.

LXIII.

2. quæst. 6.
Si autem
prouocatū.
Cod. Can.
cap. 96.

Si autem fuerit prouocatum, eligat, qui prouo-
cauerit, iudices: & cum eo & ille contra quem pro-
uocauerit, vt ab ipsis deinceps nulli liceat prouo-
care.

Cum vniuersæ legationes diuersarum prouinciarum al-
legarentur, gratissime acceptæ sunt, id est, Numidiarum,
Byzacenorum, Maurorum Sitiphensium, itemque Cæ-
sariensium, sed & Tripolitanorum.

LXIV.